

i'espere que ie n'iray pas, car Celuy qui est bon, m'aidera à croire en luy. Ayant dit cela, il tire son papier: Or ça mon Pere, fit-il, regarde si i'ay bien retenu les prieres que tu m'as enseignées, & que ie t'ay fait escrire en ce papier; regarde-le, & m'escoute, pour voir si ie n'ay rien oublié. Le Pere [120] fut bien en peine, car il n'auoit mis que les lettres initiales de plusieurs prieres, & de plusieurs actes de vertus, qu'il luy auoit enseignés, dont il ne se fouuenoit plus. Il s'auifa de cette defaite; Mais plustost, commence toy le premier, luy dit-il, dy tout haut ce que ie t'ay enseigné, pour voir si tu n'as rien changé: Ce bon Sauuage se mit à reciter, non seulement ce qui estoit marqué en son papier, mais tout ce qu'on luy auoit enseigné, avec vne telle fidelité que le Pere en resta tout réjoüy, & tout estonné. Il faut que ie confesse, adjouste le Pere, que iamais Sauuage ne m'a plus touché que celui-cy, soit pour la candeur & la simplicité avec laquelle il agissoit, soit pour les sentimens de deuotion qu'il faisoit paroistre soit pour l'attétion qu'il apportoit à ma parole, & pour l'audité qu'il auoit de sçauoir la doctrine de salut: Si tost que ie luy parlay du Baptesme, il me le demanda avec vne tres-grande ardeur: Ne crains point, me faisoit-il, ie ne retourneray point en arriere, ie croy tout de bon, mon Pere m'aidera à luy obeir: Je le vulus éprouuer deuant ses gens, dit le Pere; il se monstra tousiours ferme & constant; si [121] bien que ie luy auois donné iour pour son baptesme: mais arriuant là-dessus vne alarme des Hiroquois, ces gens s'enfuirent incontinent dans les terres, & luy avec eux, redoutant ces guerriers, plus que les Demons.

Les Neophytes nouvellement baptisés, aident